

# Hebde Ballal E Safaara nder Saare New York, E No Alhaali Ma Waawi Wonde E Bangal Dannugol

## Naamdi Burdi Arde E Danniyaŋkoobe New York Naabe

Kala New York naajo ene haani dañde safaara moyyere, e no alhaali mun wayi fof e bangal dannugol walla e waawde yobde. Toppito hoore ma e besngu ma, mbele kebaa ballal e safaara mo cohluda. Gede keewde e Saare nde, ene jeyaa heen safaara e balle nder renndo ngo, New York naabe fof ene keba dum, e no alhaali mabbe waawi wonde e bangal dannugol.



## Ballal E Safaara

### Hol to mbaaw mi hebde safaara newiinde nder Saare New York (New York City, NYC)?

Ada waawi hebde ballal e safaara newiinde to NYC Health + Hospitals (H+H) ngondo sara to kodfa e ndaara [nychealthandhospitals.org](https://www.nychealthandhospitals.org) walla noddaa 844-692-4692 walla **311**, walla ada waawi yiitunde santar safaara legal ma e ndaara [findahealthcenter.hrsa.gov](https://www.findahealthcenter.hrsa.gov).

## Assiraans Safaara

### Hol fason assiraans safaara potmi ndaarde?

Danniyaŋkoobe New York naabe ene njogi fason ŋaaji keewdi e assiraans safaara. Sukaabe dañbe 18 e ko famdi wonbe e Dawla New York ene mbaawi hebde assiraans safaara e no alhaali mabbe waawi wonde e bangal dannugol. NYC Departmaa mo Safaara e Cellal Hakkille (NYC Department of Health and Mental Hygiene) ene jogi Yimbe Mun Hoolaabe waawbe wallude ma mbele ngandaa tawi ada waawi hebde assiraans safaara e no kebirdaa dum. So ada yi humpitaade heen no moyyi, noddu **311** walla ndaar [nyc.gov/health/healthcoverage](https://www.nyc.gov/health/healthcoverage).

So tawi a ari to nokku NYC H+H, naamdo Basiyotoowo e Mbuudi mbele o walluma hebde assiraans safaara. Ada jogi hakke dañde ballal e yemngal mo cubiida, ene jeyaa heen firo e bindi e pitende da e hoore ma walla e telefon.

Ada jogi kadi hakke hebde e balle nder renndo ngo, ko wayi no safaara mo laamu yobata to wonaa lopitaal safaara booydo, tawi bonnataa alhaali ma walla dabbugol ma e dannugol. So tawi ada jogi naamde e laawol dannugol, noddu telefon sarwiis balloowo e laawol dannugol mo NYC e 800-354-0365, Altine haa Aljuma, gila 9 subaka haa 6 kikiikde, mbele hebaa kabaruuji celludi koolnaadi e ballal ciirde ko faati e dannugol te ko Saare nde yobata. Telefon sarwiis ballowo alaa njobde te hay gooto waawa andude ma, te ballal ngal ene waawi wadeede e 200 yemde.

## NYC Care (Saffaro nder NYC)

### **Mi waawa hebde assiraans safaara. Hol no kebirat mi ballal e safaara?**

NYC Care ko prograam dokkiroowo balle di ngalaa njobdi walla njobdi ndi heewaani New York naabe be mbaawa hebde assiraans safaara ngam alhaali mabbe e bangal dannugol walla e waawde yobde. NYC Care wonaa ebberde assiraans safaara. Kono, so tawi ada windii e NYC Care, ada waawi hebde kartal mbele hollira ada jeyaa heen ngam mbaawa dañde ballal timmungal e safaara, mbaawa subaade cafroowo ma e kebaa ledde maa yobata ko heewi. Kala ballal NYC Care ene woodi e nokku fof mo safratee ñawdo e NYC H+H nder arronndiismaaji joy, ene jeyaa heen 11 nokku safaara e ko yahri e santaruuji safaara sappo ngondi e leede de.

### **Hol no foti NYC Care jarata, e hol no mbadat mi mbele mi mbindo da heen?**

Ballal safaara NYC Care ene waawi wonde ko njobataa ko heewaani walla e yobata, ene fawi ko no galle ma foto e ko dañata. Mbele mbindo da ngam NYC Care, noddu 646-692-2273 walla naamdo Basiyotoowo e Mbuudi e kala nokku mo NYC H+H. So ada yi humpitaade heen no moyyi, ndaar [www.nyccare.nyc](http://www.nyccare.nyc).

## **Ballal Keñii Ngal E New York Naabe Be Ngalaa Assiraans Safaara**

### **Mi alaa assiraans safaara kono mbido sohli ballal keñii ngal. Hol no njobirat mi dum?**

Emergency Medicaid wallata New York naabe be dañal mun en yahaani noon te be ngala kaaytaaji walla ko ðanniyaŋkoobe ko booyaani mbele be njoba ballal e safaara so tawi heñaare wadi. Ðanniyaŋkoobe New York naabe dañbe hakke e Emergency Medicaid ene mbaawi hebde ballal e NYC Care mbele be njoba gede de keñiraaka, ko wayi ledde e yahde to dokkiroowo safaara.

Ada waawi windeede e Emergency Medicaid e kala no heñaare. So tawi a ari to nokku NYC H+H, naamdo Basiyotoowo e Mbuudi mbele o walluma mbindo da. Ada waawi hebde ballal heñiraande e kala suudu safaara mo NYC, e no alhaali ma wayi fof e bangal dannugol walla e waawde yobde. So ada yi humpitaade heen no moyyi, noddu 844-692-4692 walla **311**.

## **Rewde Laabi e Ðannugol e Hebde Ballal e Safaara**

### **Ko mi e ðanniyaŋke mo alaa kaytaaji. Mbela maa cafroowo am ene waawi haaldude e kilifaaji federal toppittoobe ðannugol, ko wayi no Ðannugol e Sarwisaaji Duwaañ (Immigration and Customs Enforcement, ICE)?**

Safroobe ene poti reende sutura mabe cafrata, e no alhaali mabbe wayi fof e bangal ðannugol. Cuudi safaara e kilinikuuji njaltinta kabaruuji mabe cafrata tawi be njabaani, so wonaa ko laawol yamiri dum (dum ene sadi). So ada yi humpitaade heen no moyyi e no cafroobe NYC H+H ndeenirata sutura ðanniyaŋkoobe, ndaar [bit.ly/letter-immigrant-new-yorkers](http://bit.ly/letter-immigrant-new-yorkers).

### **Hol ko potmi wadde so tawi azanbe ICE ngari to suudu ballal e safaara mo cafrateemi?**

Kilifaaji federal toppittoobe ðannugol mbaawa wadde hay huunde nder cuudi safaara e goddi nokkuuji safaara, so wonaa e ko sadi. So tawi a yii azanbe ICE nder suudu safaara ndu, a fotaani haaldude e mabbe. So tawi azanjo ICE njeewi naatde e nokku ma, ko wayi no suudu mo wonde e safraade, ada jogi hakke uddude damal ngal te naamdo daa tawi omo jogi mandaa e laawol (kaayt laawol gummiido to suudu ñaawirdu mo ñaawoowe siññiñta). So ada yi humpitaade heen no moyyi, ndaar [nyc.gov/immigrants](http://nyc.gov/immigrants) te yeewa “**know your rights**” (andu hakke ma). So tawi azanjo ICE nangiima walla gooto balliido ma, ada waawi noddude telefon sarwiis balloowo e laawol ðannugol mo NYC e 800-354-0365 mbele hebaa ballal laawol ciirido te a yobata.